

“ Mutetus Frorius “

Pandemia

1

Cun s'urtima pandemia
heus toccau su fundu
de su pranu a sa serra.

Rima

Sa genti a cullu in terra
est, in totu su mundu
si ddu cantu in poesia.

2

Non bastant is dottoris
e nimancu infermieris
po firmari, sa maladia.

Rima

Tanti biu in mesu a sa bia
mancai tui no ddu neris
ita ses, circhendi doloris.

3

Si bòlis beni a tui
setzidì in domu tua
e risparmiu sa saludi.

Rima

Chi ses bellu de virtùdi
non portas sa peddi crua
e stai attentu, po no arrui.

4

Candu totu at'essi passau
s'hant contai is mortus
e longa at'essi sa lista.

Rima

Si cras tòrraus in pista
a dònna anima cunfortus
a chini in celu, est trapassau.

5

Su virus s'at firmau
sa pressi chi tenemus
e a totus at postu frenu.

Rima

Cras speru di essi serenu
In mari cun barca a remus
de no essi, prus arrimau.

6

Asuba de su nuraxi
si pongu una bandera
arringràziendi a Deus.

Rima

Cun forti boxi nareus
amori, saludi sincera
a totu su mundu in paxi.

Raffaele Lussu
Sinnai 17/3/2020